



Bosnia and Herzegovina
Federation of Bosnia and Herzegovina

**CANTON SARAJEVO
ASSEMBLY**

Komisija za kulturu i sport

Broj: 01-04-249-3/23

Sarajevo, 01.02.2023.godine

**POSLANICIMA/ZASTUPNICIMA
SKUPŠTINE KANTONA SARAJEVO**

VLADA KANTONA SARAJEVO

Komisija za kulturu i sport Skupštine Kantona Sarajevo, na sjednici održanoj dana, **01.02.2023. godine**, u skladu sa nadležnostima utvrđenim Poslovnikom Skupštine Kantona Sarajevo, a u funkciji pripreme **4. Radne sjednice Skupštine Kantona Sarajevo** razmatrala je materijale, koji su predloženi za dnevni red ove sjednice Skupštine i u skladu sa članom 27. Poslovnika Skupštine Kantona Sarajevo podnosi Skupštini

IZVJEŠTAJ

1. Nacrt Budžeta Kantona Sarajevo za 2023. godinu;

Nakon uvodnih napomena predstavnika Ministarstva finansija, Ministarstva kulture i sporta Kantona Sarajevo i konstruktivne diskusije, Komisija za kulturu i sport Skupštine Kantona Sarajevo **jednoglasno je podržala (5“ZA”) Nacrt Budžeta Kantona Sarajevo za 2023. godinu uz slijedeći:**

ZAKLJUČAK

1) Komisija za kulturu i sport traži od Vlade Kantona Sarajevo da se za 7 institucija kulture (Zemaljski muzej, Nacionalna i univerzitetska biblioteka BiH, Umjetnička galerija BiH, Historijski muzej BiH, Muzej književnosti i pozorišne umjetnosti BiH, Kinoteka BiH i Biblioteka za slijepa i slabovidna lica BiH) obezbijede posebne stavke u Budžetu Kantona Sarajevo za 2023. godinu za redovan rad navedenih ustanova u iznosu od 2.000.000,00 KM, a da se pri tome ne umanjuju tekući kapitalni transferi.

2) Komisija za kulturu i sport traži od Vlade Kantona Sarajevo da se izdvajanje za sport u skladu sa Zakonom o sportu poveća na 1% od ukupnog Budžeta Kantona Sarajevo i to kroz:

Komisija za kulturu i sport SKS traži od Vlade Kantona Sarajevo da se stavka **Kapitalni transferi neprofitnim organizacijama- Kapitalni transferi neprofitnim organizacijama** iz oblasti sporta poveća na iznos od 3.000.000,00 KM

Komisija za kulturu i sport SKS traži od Vlade Kantona Sarajevo da se u Budžetu Ministarstva kulture i sporta doda stavka u iznosu od 2.000.000,00 KM **Tekući transferi neprofitnim organizacijama- Transferi sportskim klubovima za izmirenje poreznih**

dugovanja koja će biti dodijeljena na osnovu javnog poziva za dugovanja nastala do 2020. u skladu sa **Zakonu o naplati i djelimičnom otpisu dugovanja sportskim kolektivima („Službene novine Federacije BiH“, br. 37/14, 12/17, 79/20)**,

Komisija za kulturu i sport SKS traži od Vlade Kantona Sarajevo da se u Budžetu Ministarstva kulture i sporta obezbijede sredstva u ukupnom iznosu od 2.000.000,00 KM kao posebne stavke **Tekući transferi neprofitnim organizacijama** za redovan rad za četiri sportska kluba i to : **Tekući transfer za** Košarkaški klub „Bosna“ 400.000,00KM, **Tekući transfer za** Rukometni klub „Bosna“ 400.000,00KM, **Tekući transfer za** Fudbalski klub „Željezničar“ 600.000,00KM i **Tekući transfer za** Fudbalski klub „Sarajevo“ 600.000,00KM.

- 3) Komisija za kulturu i sport SKS traži od Vlade Kantona Sarajevo da se povećaju sredstva za istaknute umjetnike na iznos koji bi bio dovoljan za 35 umjetnika, kao i pokretanje postupka raspisivanje Javnog poziva za uvođenje u prava dva nova umjetnika
- 4) Komisija za kulturu i sport SKS traži od Vlade Kantona Sarajevo da finansiranje plaćanja troškova obezbjeđenja utakmica klubova koji se takmiče u najvišem rangu takmičenja po „Pravilniku o vrsti, cijeni i načinu plaćanja usluga dodatnog angažovanja policijskih službenika i drugih usluga koje Uprava policije Ministarstva unutrašnjih poslova Kantona Sarajevo pruža u svrhu osiguranja javnih okupljanja“ preuzme Ministarstvo kulture i sporta, te da im se za navedeno obezbijede sredstva u Budžetu.

2. Nacrt Zakona o izvršavanju Budžeta Kantona Sarajevo za 2023. godinu;

Komisija za kulturu i sport Skupštine Kantona Sarajevo **jednoglasno je podržala (5“ZA”) Nacrt Zakona o izvršavanju Budžeta Kantona Sarajevo za 2023. godinu uz slijedeći:**

ZAKLJUČAK

- 1) Komisija za kulturu i sport traži od Vlade Kantona Sarajevo da se pripreme izmjene navedenog Zakona kako bi se mogle primijeniti tačke iz prethodnog Zaključka.
- 2) Komisija za kulturu i sport traži od Vlade Kantona Sarajevo da se u članu 22. tačka (2) Nacrta Zakona o izvršavanju Budžeta Kantona Sarajevo za 2023. godinu iza riječi „oblasti“ dodaju riječi „, drugim aktima Skupštine Kantona Sarajevo i direktnim stavkama u Budžetu Kantona Sarajevo“.
- 3) Komisija za kulturu i sport predlaže da se Zakonom o izvršenju budžeta Kantona Sarajevo za 2023. godinu uvrsti član koji će glasiti „(1)Ministarstvo kulture i sporta Kantona Sarajevo će objaviti javni poziv za prijavu sportskih klubova koji imaju nastala porezna dugovanja do 2020. godine
(2)Nakon završetka roka za prijavu sportskih klubova Ministarstvo kulture i sporta će predložiti Odluku o raspodjeli sredstava sa stavke Tekući transferi neprofitnim organizacijama- Transferi sportskim klubovima za izmirenje poreznih dugovanja
(3) Procedura usvajanja ove Odluke mora biti okončana do 30.04.2023. kako bi sportski kolektivi blagovremeno mogli izmiriti dugovanja po **Zakonu o naplati i djelimičnom otpisu dugovanja sportskim kolektivima („Službene novine Federacije BiH“, br. 37/14, 12/17, 79/20)**.

PREDSJEDAVAJUĆI KOMISIJE

Irfan Čengić, s.r.